



Broj: 03/3-50-1-9-15/09
Sarajevo, 04.12.2009.

Z A P I S N I K
15. sjednice Zajedničke komisije za ekonomske reforme i razvoj,
održane 01.12.2009. godine

Sjednica je počela u 13 sati.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Bajazit Jašarević, g. Mehmed Suljkanović, gđa. Vesna Šain, gđa. Ljiljana Milašin, g. Ivo Miro Jović, g. Hazim Rančić, članovi Komisije.

Sjednici su, ispred Ureda Svjetske Banke u Sarajevu prisustvovali g. Marko Mantovaneli, šef Ureda, g. Goran Tinjić, Viši oficir za operacije, g. Orhan Nikšić, Glavni ekonomista za BiH, gđa. Tanja Biev, prevoditeljica, ispred Direkcije za ekonomsko planiranje BiH, gđa. Alida Sofić, pomoćnik direktora. Sjednici su prisustvovali i gđica. Lada Mujkić, USAID – Projekat jačanja Parlamenta, gđa. Medina Delalić iz Sektora za odnose sa javnošću, g. Nenad Pandurević, sekretar Komisije za vanjsku i trgovinsku politiku, saobraćaj, carine i komunikacije Doma naroda PS BiH, te g. Amer Bekrić, sekretar Zajedničke komisije za ekonomske reforme i razvoj.

Za sjednicu je predložen i jednoglasno usvojen sljedeći sljedeći

D N E V N I R E D

1. Usvajanje Zapisnika sa 14. sjednice Zajedničke komisije
2. Pregled provedbe usvojenih zaključaka Zajedničke komisije
3. Informacija o kretanju makroekonomskih pokazatelja januar-septembar 2009. godine
4. Prezentacija aktivnosti Ureda Svjetske Banke u Sarajevu
5. Izvještaji sa službenih putovanja:
 - Studijska posjeta Parlamentu Ujedinjenog kraljevstva Velike Britanije 25-31.10.2009. godine,
 - Parlamentarni seminar: Slobodna trgovina i regionalno unutrašnje tržište, Zagreb, R. Hrvatska, 26-27.10.2009. godine
 - Regionalna konferencija o reformi poslovnog okruženja u Jugoistočnoj Europi, Tirana, Albanija, 17-19.11.2009. godine
6. Tekuća pitanja

Ad.1.

Usvajanje Zapisnika 14. sjednice Zajedničke komisije za ekonomske reforme i razvoj

Zapisnik 14. sjednice Zajedničke komisije za ekonomske reforme i razvoj je jednoglasno usvojen.

Ad.2.

Pregled provedbe usvojenih zaključaka Zajedničke komisije

Uvodne napomene o provedbi usvojenih zaključaka je dao sekretar Zajedničke komisije. Posebno se osvrnuo na pismo urgencije upućeno Agenciji za promociju stranih investicija, te prenio izvinjenje Dr. Mačkića, direktora Agencije za sigurnost hrane BiH, zbog nemogućnosti da se odazovu pozivu za prisustvovanje sjednici, kao i izraženu spremnost da u dogledno vrijeme prezentiraju svoje aktivnosti. Nakon provedene rasprave Pregled provedbe usvojenih zaključaka Zajedničke komisije, jednoglasno je usvojen.

Ad.3.

Informacija o kretanju makroekonomskih pokazatelja januar - septembar 2009. godine

Gđa. Alida Sofić, pomoćnik direktora, detaljno prezentirala podatke iz Informacije o kretanju makroekonomskih pokazatelja januar - septembar 2009. godine.

Nakon provedene rasprave Informacija o kretanju makroekonomskih pokazatelja januar - septembar 2009. godine, **primljena je k znanju i jednoglasno je usvojena.**

Ad.4.

Prezentacija aktivnosti Ureda Svjetske Banke u Sarajevu

G. Marko Mantovaneli, šef Ureda Svjetske Banke u Sarajevu, zahvalio se na učinjenom pozivu kojim se otvara mogućnost otvaranja kontinuiranog dijaloga sa Zajedničkom komisijom za ekonomske reforme i razvoj, odnosno Parlamentarnom Skupštinom BiH, naglasivši da se u svakodnevnom radu sa izvršnom vlašću, često zanemaruje saradnja sa zakonodavnom vlašću.

G. Mantovaneli je u svom izlaganju detaljno prezentirao aktivnosti Ureda Svjetske Banke u Sarajevu od 1996. godine, naglašavajući liderstvo i postignute rezultate u poslijeratnoj obnovi BiH.

G. Tinjić, Viši oficir za operacije, upoznao je prisutne sa raspoloživim mehanizmima pružanja podrške Bosni i Hercegovini u svrhu ostvarivanja rekonstrukcije i reformi, dinamičnog ekonomskog rasta, smanjenja siromaštva i ubrzanja postupka priključenja i integracija se EU. Iznos IDA (beskamtni zajmovi i grantovi) iznosile su 1,2 milijardi USD, Međunarodna finansijska korporacija (IFC) je investirala približno 250 miliona USD, a 310 miliona je obezbjeđeno u garancijama Agencije za multilateralne garancije za investiranje (MIGA). Ukupno 1,3 milijardi USD bezkamtnih sredstava je obavezano u BiH kroz 62 Projekta, uključujući 25 miliona USD grantova IDA-e i 18,3 miliona USD grantova GEF-a (Fond za globalno okruženje). Tokom tri donatorske konferencije organizovane u saradnji sa Evropskom komisijom prikupljeno je 5,1 milijardi USD za post-konfliktnu rekonstrukciju zemlje. G. Tinjić je upoznao prisutne sa Strategijom partnerstva sa BiH - 2008. do 2011. fiskalne godine (CPS) u okviru kojih će Svjetska banka, pružajući podršku ciljevima zemlje, kombinacijom finansijskih i nefinansijskih usluga podržavati investicije u infrastrukturu i investicionu klimu, općinski razvoj, sektore transporta i energetike, reformu javnog i socijalnog sektora kroz povećanje efikasnosti javne potrošnje i jačanje pružanja usluga. Strategija partnerstva se trenutno realizira kroz četrnaest aktivnih investicijskih projekata Svjetske banke, i to 11 kroz beskamtno kreditiranje (IDA), jedan zajam IBRD-a (Međunarodna banka za obnovu i razvoj), te tri granta GEF-a.

Naročito je podvukao je potrebu ubrzanja procedura ratifikacije međunarodnih kreditnih sporazuma koji se zaključuju sa Svjetskom bankom, kao i pitanje ubrzanja povlačenja i implementacije kreditnih sredstava u realizaciju projekata. Tvrdi da 2/3 odobrenih sredstava nije povučeno, naglasio je značaj ovog finansijskog inputa na privredu Bosne i Hercegovine, naročito u vrijeme finansijske krize i globalne recesije. Odlaganje efektivnosti i spora implementacija projekata utiču na tekući portfolio Svjetske banke. U posljednje dvije godine, od momenta odobravanja, do momenta efektivnosti sredstava prolazilo je, u prosjeku, 10 mjeseci. Procenat isplate (isplaćen iznos u toku jedne godine u odnosu na iznos raspoloživ na početku godine) u toku 2009. fiskalne godine iznosio je 16,1%, jeste veći u odnosu na 2008. fiskalnu godinu (11%), ali je manji od prosjeka za region Europe i srednje Azije (17,8%) i prosjeka Svjetske banke (26,5%).

Govoreći o Projektima Svjetske banke, g. Nikšić, Glavni ekonomista za BiH, se osvrnuo na socijalna davanja u BiH, naročito na fiskalno neodržive i loše usmjerene novčane naknade kroz programe socijalne zaštite koji nisu bazirani na doprinosima, a koji iznose 4% bruto nacionalnog dohotka (BDP), u odnosu na prosjek ovih davanja na području zemalja u regiji (1,6%) ili zemalja OECD-a (2,5%). U tom smislu predstavio je Projekt Svjetske banke za kreiranje održivog sistema socijalne zaštite zasnovanog na stvarnim potrebama.

Nakon provedene rasprave u kojoj su učestvovali g. Zoran Koprivica, g. Ivo Miro Jović, g. Bajazit Jašarević, g. Adem Ibrahimpašić, kao i prisutni predstavnici Ureda Svjetske banke u Sarajevu, jednoglasno su usvojeni sljedeći **ZAKLJUČCI:**

- **Zadužuje se sekretar Zajedničke komisije da, u cilju unapređenja saradnje sa predstavnicima Ureda Svjetske banke u Sarajevu, za narednu sjednicu Zajedničke komisije, sačini pismenu informaciju, koja će sadržavati Nacrt mogućih rješenja za uzajamno djelovanje Zajedničke komisije i Ureda Svjetske banke u Sarajevu, prvenstveno u smislu obraćanja Parlamentarnoj skupštini BiH, te eventualnog predlaganja rješenja za ubrzanje procesa ratifikacije međunarodnih sporazuma, naročito onih koji se odnose na kreditna zaduženja, kao i preduzimanje drugih mjera od strane PS BiH, značajnih za stvaranje pretpostavki bržeg i uspješnijeg razvoja BiH, entiteta, kantona, te regionalnih i opštinskih nivoa vlasti.**

Ad.5.

Izveštaji sa službenih putovanja:

- **Studijska posjeta Parlamentu Ujedinjenog kraljevstva Velike Britanije 25-31.10.2009. godine,**
- **Parlamentarni seminar: Slobodna trgovina i regionalno unutrašnje tržište, Zagreb, R. Hrvatska, 26-27.10.2009. godine**
- **Regionalna konferencija o reformi poslovnog okruženja u Jugoistočnoj Europi, Tirana, Albanija, 17-19.11.2009. godine**

G. Zoran Koprivica je dao uvodne napomene vezano za Izveštaje sa službenih putovanja, koji su primljeni k znanju i jednoglasno usvojeni.

Ad.6.

Tekuća pitanja

Pod ovom tačkom dnevnog reda razmatrano je pitanje pripreme Orjentacionog plana rada Zajedničke komisije za 2010. godinu.

Nakon provedene rasprave, jednoglasno usvojen sljedeći **ZAKLJUČAK:**

- **Zadužuje se sekretar Zajedničke komisije da za narednu sjednicu pripremi Orjentacioni plana rada za 2010. godinu, da isti dostavi najmanje sedam dana prije održavanja sjednice, kako bi svi članovi Komisije imali vremena da isti prouče i daju svoje sugestije. Orjentacioni plana rada za 2010. godinu treba sadržavati nerealizirane obaveze iz prethodnog Orjentacionog plana rada, uspostavu saradnje sa Parlamentarnim odborima entiteta i drugim relevantnim domaćim i starnim institucijama, kao i uspostavu regionalne saradnje kroz planiranje studijskih putovanja i posjeta Parlamentima i Parlamentarnim odborima država u okruženju.**

Pod ovom tačkom dnevnog reda, također je razmatrano pitanje obaveza Zajedničke komisije vezanih za Prijedlog zakona o popisu stanovništva, domaćinstava i stanova u BiH 2011. godine. G. Koprivica je naveo da, nakon što Predstavnički dom nije usvojio Mišljenje Zajedničke komisije i nakon što je Prijedlog zakona vraćen radi dostavljanja novog mišljenja o principima zakona, ne postoje saznanja o eventualnim postignutim kompromisima i dogovorima, a Zajednička komisija, u skladu sa odredbama Poslovnika oba Doma PS BiH, ima obavezu da dostavi novo Mišljenje.

Nakon provedene rasprave, u kojoj su učestvovali g. Jašarević, g. Suljkanović i g. Ivo Miro Jović usvojen je sljedeći **ZAKLJUČAK:**

- **Zadužuje se sekretar Zajedničke komisije da pripremi dopis kojim će se, posredstvom Sekretara Domova, tražiti sastanak Predsjedavajućeg, Prvog i Drugog zamjenika predsjedavajućeg Zajedničke komisije (g. Koprivica, g. Jašarević i g. Ivo Miro Jović) sa Kolegijima oba Doma, kako bi se utvrdili modaliteti rješavanja ovog pitanja.**

Sjednica je završena u 15,00 sati.

Sekretar Komisije

Amer Bekrić

Predsjedavajući Komisije

Zoran Koprivica